

Visit Greenlandip maajip 6ianni webinarertsinerani apeqqudit

Asasakka tamassi,

Apeqquditissinnut oqaaseqaatissinnullu tamanut qujanaq. Visit Greenlandip akissutai apeqqudit ataanniipput.

#1. Sarah Woodallimit: Kingusinnerusukkut apeqqudit: Takornariaqarnerup Inuussutissarsiutigineranut ikiuussutigisat Savalimmiunilu ikiuussutigisat 'nalinginnaat' sutigut allaanerussuteqarpa?

Akissut: Susannamit: "Ikiuussutigisassat pingajussaata immikkut takornariaqarnermut sammisussap atuutsilersinnissaanut naalakkersuisut annertuumik kimingiiserfigineqarput. Pingajussaani ikiuussutigisassat takornariaqarnermik ingerlatsisunut angisuunut soorlu Atlantic Airwaysimut Smyril Linemullu sammitinnissaat eqqarsaatigigaat ilimagaara. Takornariaqarnerup annerpaamik eqqorneqartoq tamanit isumaqatigiissutigineqarpoq. Taamaammat tamanna iliuuseqarfigeqqullugu naalakkersuisut piumaffigineqarput."


#2. Sarah Woodallimit: diasimi takorluukkat 5it pillugit – taakkunani kalaallit qanoq angalanerusarneri eqqarsaatigineqarneruppat?

Akissut: Destination Thinkimut atatillugu diasiliaq killilersuinissami killiffissat 5it eqqarsaatigukkit, taakkua nunanut angalanernullu tamanut tunngasuunissaat ilimagaara.

Aallartisaqqinnermi periusissat tallimat

1. Avinngarusimasumukarneq
2. Sumiiffimmi pissutsit
3. Najugaq qimannagu sulinngiffeqarneq
4. Angerlarsimaffimmut qaninnerusumut angalaneq
5. Nalinginnaalersut nutaat

Five Phases of Recovery



#3. Sarah Woodall: Isumakulunnartoqartitsineranut suna pissutaava (aaqq. Innuttaasut akornanni takornariat pillugit)?

Akissut: Nunarsuatsinni tamani COVID-19 pillugu tusagassiuutit ilanngutassiunerisa kinguneranik, inuiaqatigiit akornanni isumkulunnartuqartitsineq pissusissamisuuginnarpoq. Virusi tusagassiuutitigut sivisuumik annertooujussuarmillu sammineqarpoq – pisariaqartumillu malunnaartilimmik matooraasoqarneratigut inuiaqatigiit ilungersunartumik eqqugaasinnaanannerannik paasitinneqarput.

#4. Yewlin: Hej Julia, aperiniartunut akuleruterusuppunga, sumiiffik qimannagu sulinnigiffeqarneq QANOQ ILILLUNI iluatsissinnaava? Siunneruutigerusuppara AIR GREENLAND annertuumik taperneqartalissasoq, nunap iluani angalaniarnerup akia MINNERPAAMIK 50 procentimik apparneqarsinnaaqullugu, taamaanngippat taamatut sulinnigiffeqartitsiniarneq iluatsinnaviannigilaq Soorunami piffissami aalajangersimasumi taamatut neqerooruteqartoqartassaaq; sap. ak. 8+10.

Akissut: Kalaallit Nunaata iluani angalanissaq pilerinarsarniaraanni akit apeqqutaanerpaapput. Sumiiffik qimannagu sulinnigiffeqarnermik neqerooruteqartut angalanerup immikkuualuttortaasa ilaannaat namminneq aningaasarsiutigalugu eqqaamajumaaraat neriuutigaarput. Air Greenlandip maannakkut ilungersunartumik inissisimareersup akigititai uagut sunnuteqarfigisinnaanngilagut. Kalaallit Nunaata iluani angalaniarnermi immikkut akigititaqarnissaq pillugu politikikkut aalajangiisarnert aamma sunnuteqarfigisannilagut. Sulinnigiffeqarnermut atatillugu angalanissamut aalajangersukkat qasukkarlugit, angalaniartup akileraaruteqarani angalanissani tamaat ataatsikkut pisiarisinnaalernissaa innersuussutiginiukuurput. Tassa, aningaasat atugassat timmisartornissamut, akunnittarfimmiinnissamut immaqalu misigisassarsiornissamut akiliutigereersinnaanngorlugit, akileraaruteqarani.

#5. Greenland Flord Tours // Martin Sørensen: Tanny; Aningaasat naleqarnertut atornewsinnaanerannik oqarnerit itisilaaruk?

Akissut: Nunarsuatsinni tamani angalaniarneq akitsussasoq naatsorsuutigineqarpoq – aamma Kalaallit Nunaannut Nunattalu iluani angalaneq ilanngullugit. Inuit ukiup ingerlanerani ikinnerusoriarlutik angalasalernissaat aamma siulittuutigineqarpoq, taakkualu annertuumik angalanissamik takorluukkamut aningaasaatit atorusunneqarnerulissangatinneqarlutik. Akit qaffasissut, ikinnerusoriarluni ukiumut angalasarnerit kiisalu alutorineqarluartumik neqerooruteqarnerit aamma malitsigisarpaat, pitsaassutsimut, nioqqutigisamut kiffartuussinermullu atatillugu nalinginnaasumik piumasaqaataasarnerat – tassa 'aningaasanik naleqarnerulersitsinermik' isummannut tunngavinga.

#6. Caroline Ellis: Nunatsinnut isersinnaanermut aalajangersakkat (negativ COVID test + ullut 5it karatænarluni taavalu kingumut misissortilluni) ornitassanut allanut unammillerniarneq ajornerulersinngilaat?

Akissut: Maannakkuugallartoq tamanna oqaatigiuminaappoq, qanoq ammaaqqinniarnermi piumasaqaatqartoqassanersoq ornitassallu allat qanoq periuseqarnerat tamatumunnga

apeqqutaassammat. Suliffeqarnermi ullut tallimat mattusimaarusugatik inuit ilaasa ulluni 5ini karatænertitaasarneq aporfigissavaat. Utaqqiisaannaali taamatut aaqqiisoqarnikuuvoq, tamatumalu sunniuteqarpallaannginnissaa neriunarpoq.

#7. Tanya Uhnger Wünsche: uanga isumaqarpunga, pissutsit taamatut itsillugit pitsaanerusemik/annertunerusemik pilerisaarineq, inerisaaneq/isumassarsiorluni nioqqutinik inerisaaneq kiisalu minnerunngitsumik takornarialerinerimik inuussutissarsiutillit pitsaanerusemmik ilinniagaqarlutillu ilinniaqqissinnaanissaat tassaapput pisariaqartinneqartut. Taakkua pingasut nutarsarneqarnissaat pillugu pisortanit tusagaqarnikuusi?

Akissut: Naatsumik akillugu naamik. Maannakkugallartoq periusissatut pilersaarutit allannguuteqarnissaannik pisortanit tusagaqanngilagut. Taamatut oqareerluni oqaatigisariaqarpoq, takornariaqarnermi periusissatut pilersaarummik Inuussutissarsiutinut Naalackersuisoqarfik maanna aaqqissuussivoq, taakkununngalu soorunami tamakkua ilanngunneqarnissaat naatsorsuutigaarput. Tamatuma saniatigut ingerlatsiviit tamakkununnga atasut aamma maannakkut pissusissaalersut naapertorlugit naleqqussaaniarlutik periarfissanillu atorluaaniarlutik ulappupput.

#8. Kasper Trojlsgaard: Ukioq manna takornariaqarfiulernissaa pillugu Kalaallit Nunaanni oqartussat qanoq aalajangiinissaat amerlaqaluta utaqqigunarpaput, suliagut pisisartunullu periusissagut sulinitsinnut naleqqussarniarlutigit. Oqartussat atassuteqarfigaasigit, aasarulu takornariat ammaanqassanersut paasisaqarfiginikuusiuk? Nunanit allaneersut amerlaqisut angalanissartik kinguartikkusullugu saaffiginnittarput, Air Greenlandilli aalajangersagai naapertorlugit tamanna periarfissaanngilaq, naak uagut amerlaqaluta aamma angalanissat kinguartissinnaangaluarlutigit.

Akissut: Saaffiginnissutaasartut toqqaannartumik akisassanngorlugit nassiuteqqittarpagut aamma pilersaarusiorminini isummersuutiminnut ilanngussinnaaqqullugit. Pisortat nalunaarutaasa saniatigut ajoraluartumik Visit Greenland allanik nalunaarutissaqanngilaq. Air Greenlandip aalajangersagaannut sakkortuunut atatillugu Air Greenland saaffigigaanni iluarnersaaq.

#9. Helena : Piujuartitsinermit atatillugu – suliffeqarfiit ataasiakkaat uppernarsaasernissaat akuerineqarnissaallu ... Kalaallit Nunaanni piujuartitsinissamut aalajangersakkat naapertorlugit, eqqagassat akuerineqarsinnaasumik qanoq passunneqartariaqarnerat qulakkeerneqarsinnaava?

Akissut: Nuna tamakkerlugu piujuartitsiniarnermi soorunami aamma eqqagassanik qanoq passussisarneq pingaaruteqarpoq – taamaattorli takornarialerisoqarfiit kattuffiilluunniit toqqaannartumik tamakkua sunniuteqarfigisinnaanngilaat. Suliffeqarfik kattuffiilluunniit piujuartitsinerminut imaluunniit mingutsitsinnginnerminut uppernarsaammik piniarpat, suliffeqarfiup nammineq suliamequt naammassisai naapertorlugit naliliisoqartarpoq. Pisortat allaffissornikkut aaqqissuussaaneranni tamanna immikkut nalilersorneqarsinnaanngilaq.

#10. Tina Ravn Lauritsen: Soorlu isumannaatsumik/eqqiluitsumik/Covid-19imut akiuisinnaasumik pilersussamik pisariaqartitsivisi? Assersuutigalugu: GL sorleq qanoq qassinillu ilaasoqarluni angalassava? Akunnittarfik tikittunik qanoq isumaginnittarpa? Imaatigut angallatit qanoq angalappat ilaasoqarsinnaappallu?

Akissut: Assersuutit periutsillu pitssasut ersarissaatigineqarlutillu allanut ingerlateqqinneqarsinnaasut soqutiguaannarpagut.

#11. Helena : Imaatigut angallatinik aallaarsimaariarluni inuit qanillinnginnissaat qanoq isumannaarneqarpa... angallat affaannarmik ilaasoqartassava, taamaassappallu akia marloriaatingussava?

Akissut: Imaatigut angalanermut ilaasullu amerlassusaannut atatillugu maannakkuugallartoq toqqaannartumik akissuteqartoqanngilaq malittarisassaqaranilu. Ilaasut ikilinissaannik piunasaqaateqarneq akit qaffannerannik kinguneqarsinnaanera takorlorneqarsinnaavoq. Ilaasut ikilippata isertitat aamma ikilissammata, aningaasartuutinik matussusiisussat ikilippata inummut ataatsimut akia qaffattariaqassaaq.

#12. Caroline Ellis : nalunaarusiat Tannyp eqqartugai, webinarerup kingorna uagutsinnut nassiussorneqarsinnaappat?

Akissut: Aap – quppererup ataani linki aqutigalugu nassaarineqarsinnaapput.

#13. Caroline Ellis : Staycation pillugu nittartakkassinnut ilanngutassanik nassiussisoqarsinnaava?

Akissut: Aap – Staycationimut atatillugu regionini ataasiakkaani nioqqutigineqarsinnaasut pillugit DMOt suleqatiginikuuagut, kisianni staycation pillugu pilersaarutaasinnaasut allallu nioqqutaasinnaasut kiisalu paasissutissat nittartakkami atorneqarsinnaasut tamatigut tikilluaqqujaannarpagut.

#14. Sermersooq Business : Takornariaqarnerup imminut akilersinnaanera sammineqartillugu, piujuartitsineq pillugu paasisat nutaat ilisimasallu uani alakkarnissaat innersuussutigerusuppara. Tassani aamma pitsaasunik webinarerpoq.

<https://www.gstcouncil.org>

Akissut: Innersuussutinnut qujanaq.

#15. Tupaarnaq Maqe : Tunumi Visit Greenlandimeersumik tikeraartoqarusuppugut :)

Akissut: Qaaqqusisummut qujanaq. Aggerusoqaagut, tamatta pilersaarutigut naapertorlugit periarfissaqalerutta.

#16. Elise Bruun : Una qimattariaqarparput: Kalaallit Nunaannukarneq akisoqaaq, akisuallaanngilaq. Naammaginartumik akillit samminerusariaqarpagut.

Akissut: Akisuallaanngitsunik staycationimut naleqquttunik nioqqutassiornissamut piumassuseqartoqarnera tusarlugu nuanneqaaq. Illoqarfinnut allanut angalatitsisarnermi aamma eqqaamassavarput, regionimi, illoqarfimmi nunaqarfimmiluunniit nammineq najukkatsinni misigisinnaasat nioqqutigineqartut aamma periarfissaanerat.

#17. Greenland Flord Tours // Martin Sørensen: akunneq apeqqarissaarfik tulliani tallineqarsinnaava?

Akissut: Kissaatit tusaatissatut tuguarput. Webinarimi isumasoqatigiinnerunissaq pisariaqartinneqartoq paasivarput.

#18. Jakob Schytz: Ammaajartuaaqqinnissaq pillugu Naalakkersuisut VGp oqaloqatigigai tusarparput, Naalakkersuisunut ilissi qanoq oqariartuuteqarpisi?

Akissut: Ammaajartuaarnissaq pillugu Visit Greenlandip toqqaannartumik Naalakkersuisut siumasioqatiginngilai, allallu tamaasa ilutigalugit nakorsaaneqarfimmiit Coronalu pillugu suleqatigiinniit pisortatigut paasissutissiinerit malittaralutigit. Kisianni soorlu ammaajartuaarnissamut atatillugu Visit Greenlandip malugeqquaa, erseqqarissunik malittarisassiornissaq paasisanillu avitseqatigiittarneq takornariaqarnermik suliallit pisariaqartikkaat – assersuutigalugu webinarit aqquutigalugit. Nutaarsiassat kingulliit Visit Greenlandip nittartakkamigut soorunami saqqummersittarpai.